



Vogošća, ul. Jošanička, br. 80; tel: 00387 33 586 413, fax: 586 418

Broj: 11-11-1249/22
Vogošća, 18.08.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 – Prečišćeni tekst, 14/15 i 9/20), Općinski načelnik dana 18.08.2022. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA SANACIJI
KLIZIŠTA NA LOKALITETU SVRAKE IV, NA PODRUČJU OPĆINE VOGOŠĆA**

Član 1.

Ponuda ponuđača "ŠPIC BETON" d.o.o. Zenica, ulica Pehare broj 72, odabrana je za izvođenje radova na sanaciji klizišta na lokalitetu Svrake IV, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 634.000,00 KM bez uračunatog PDV-a, odnosno 741.780,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 12.07.2022. godine donio Odluku o pokretanju Otvorenog postupka nabavke - Izvođenje radova na sanaciji klizišta na lokalitetu Svrake IV, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.07.2022. godine pod brojem: 1353-1-3-112-3-124/22. Sažetak Obavještenja o nabavci objavljen je u "Službenom glasniku BiH" broj: 48/22 od 22.07.2022. godine.

Tendersku dokumentaciju sa Portala javnih nabavki BiH preuzelo je 7 (sedam) ponuđača. Krajnji rok za dostavu ponuda bio je 08.08.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 08.08.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-1249/22 iz jula 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"TERMO BETON" D.O.O. BREZA	597.938,14	/	/	699.587,62
2	"ŠPIC BETON" D.O.O. ZENICA	635.515,14	/	/	743.552,71
3	"GRAKOP" D.O.O. KISELJAK	652.336,92	/	/	763.234,20

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Termo beton" d.o.o. Breza ne ispunjava formalno-pravne uslove tražene Tenderskom dokumentacijom i to:

Tačkom 7.4.2. pod a) traženo je da je ponuđač u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 150.000,00 KM bez uračunatog PDV-a ili više pojedinačnih ugovora u ukupnom zbiru od 150.000,00 KM bez uračunatog PDV-a. U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti spisak izvršenih ugovora u ukupnom iznosu od 150.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač „Termo beton“ d.o.o. Breza u svojoj ponudi na strani 45. je dostavio Potvrdu o uredno izvršenim poslovima izdatu od strane „H-AKI“ d.o.o. Visoko iz koje Komisija za javne nabavke nije mogla ocijeniti ko je naručilac a ko izvršilac radova. U predmetnoj Potvrdi nije navedeno kome se potvrda izdaje, te da je izvršilac radova „Termo beton“. Potvrda nije naslovljena na „Termo beton“, Breza, već se navodi „na osnovu Vašeg zahtjeva“ pri tom ne znajući ko je uputio zahtjev. Takođe, predmetna potvrda nema niti broja. Znači iz Potvrde se ne može utvrditi na čiji zahtjev je tražena potvrda, odnosno ko je naručilac a ko izvršilac posla.

Takođe, ponuđač „Termo beton“ d.o.o. Breza u svojoj ponudi na strani 47. je dostavio Potvrdu o uredno izvršenim poslovima izdatu od strane Općine Vogošća – Služba za komunalne poslove broj 07-19-1064/21 od 19.02.2021. godine u kojoj su navedeni radovi vezani za izmještanje vrelovoda, izmještanje instalacija ViK-a i radovi na izgradnji saobraćajnica, što Komisija nije smatrala prihvatljivim, jer se ne radi o istim ili sličnim poslovima – sanacija klizišta. Radovi se odnose na uobičajenu izgradnju infrastrukture iz oblasti niskogradnje a ne na specifične radove koji se podrazumjevaju u sklopu sanacije klizišta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene preostale 2 (dvije) ponude, Komisija za javne nabavke je utvrdila da Ponude ponuđača:

- "ŠPIC BETON" d.o.o. Zenica i
- „GRAKOP“ d.o.o. Kiseljak

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela formalno-pravno ispravnih Ponuda, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih najniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 15.08.2022. godine u 10.18 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 15.08.2022. godine, Komisija za javne nabavke je sačinila sljedeću Rang listu u Otvorenom postupku nabavke - Izvođenje radova na sanaciji klizišta na lokalitetu Svrake IV, na području općine Vogošća, kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"ŠPIC BETON" D.O.O. ZENICA	634.000,00	741.780,00
2	"GRAKOP" D.O.O. KISELJAK	634.879,00	742.808,42

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke jednoglasno daje preporuku Općinskom načelniku da donese Odluku o izboru najpovoljnijeg ponuđača "ŠPIC BETON" d.o.o. Zenica, za izvođenje radova na sanaciji klizišta na lokalitetu Svrake IV, na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 634.000,00 KM bez uračunatog PDV-a, odnosno 741.780,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu/kancelariji za razmatranje žalbi BiH – ul. Vukovarska 10/1 Mostar, putem ugovornog organa.

Izradila: Mahira Čolić

Kontrollsa: Melisa Kršo

Dostavljeno:

1. "TERMO BETON" d.o.o. Breza
2. "ŠPICBETON" d.o.o. Zenica
3. "GRAKOP" d.o.o. Kiseljak
4. Nadležnoj Službi
5. U dosije
6. a/a

032/784-005

032/456-147

030/872-216



OPĆINSKI NAČELNIK

Edin Smajić